



Broj: 01/04-14-744-2/18
Sarajevo, 08.03.2018.

Na osnovu člana. 70. stav (1) Zakona o javnim nabavkama BiH ("Službeni glasnik BiH", br.:39/14), a u vezi sa članom 38. Statuta Grada Sarajeva ("Službene novine Kantona Sarajeva", broj 34/08,-Prečišćeni tekst), gradonačelnik Grada Sarajeva, donosi

O D L U K U

o izboru najpovoljnijeg ponuđača putem Otvorenog postupka

I

Prihvata se ponuda ponuđača „PORSCHE BH“ d.o.o. Sarajevo, ulica Bulevar Meše Selimovića broj 16, 71000 Sarajevo, ponuda zaprimljena na protokol ugovornog organa dana 27.02.2018. godine, broj protokola:04/1-14-1259, za Nabavku putničkog i kombi vozila za potrebe Gradske uprave Grada Sarajeva, u postupku provođenja javne nabavke putem Otvorenog postupka.

II

Sa ponuđačem „PORSCHE BH“ d.o.o. Sarajevo, zaključit će se Ugovor o nabavci iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj:01/04-14-744/18 od 01.02.2018. godine, pokrenut je postupak javne nabavke za Nabavku putničkog i kombi vozila za potrebe Grada Sarajeva, putem Otvorenog postupka. Obavještenje o nabavci objavljeno je na portalu Agencije za javne nabavke broj: 1278-1-1-32-3-1/18 dana 05.02.2018. godine a sažetak Obavještenja o nabavci objavljen je u Službenom glasniku BiH broj:10/18 od 09.02.2018. godine.

Sa portala Agencije za javne nabavke, tendersku dokumentaciju je preuzelo 14 ponuđača.

U određenom roku za dostavljanje ponuda na protokol ugovornog organa zaprimljena je samo jedna ponuda i to ponuđača „PORSCHE BH“ d.o.o. Sarajevo.

Komisija za javnu nabavku imenovana Rješenjem gradonačelnika broj: 01-05-5478/17 od 31.10.2017. godine, i Rješenja o izmjeni Rješenja o imenovanju Stalne komisije za javnu nabavku roba, usluga i radova u Gradskoj upravi Grada Sarajeva i Pravobranilaštvu Grada Sarajeva za 2017. i 2018. godinu, broj:01-05-5478-1/17 od 15.11.2017. godine, izvršila je otvaranje ponuda dana 27.02.2018. godine.

Nakon otvaranja ponude izvršena je detaljna analiza prispjele ponude gdje je utvrđeno da je ponuđač "PORSCHE BH" d.o.o. Sarajevo, dostavio ponudu u skladu sa zahtjevima ugovornog organa odnosno u skladu sa tenderskom dokumentacijom.

Komisija za javnu nabavku sačinila je zapisnik o pregledu i ocjeni ponuda od 05.03.2018. godine, te dala preporuku gradonačelniku da se ugovor za Nabavku putničkog i kombi vozila za potrebe Grada Sarajeva, dodjeli ponuđaču „PORSCHE BH“ d.o.o. Sarajevo, koji je jedini dostavio prihvatljivu ponudu sa ponudnom cijenom od **125.335,00 KM bez PDV-a** odnosno **146.641,95 KM sa PDV-om**.



U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka. Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocjenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije gradonačelnik Grada Sarajeva donosi ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od 10 (deset) dana od prijema obavijesti (odluke) o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

Gradonačelnik Grada Sarajeva

mr. Abdulah Skaka